

آبونه اولوق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرندن بر مجیدیه اخذ
ایدیلولر

نسخه سی ۴۰ پاره در

مجله حاکمیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرت اونورق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

حلب واطنه ولایتلری عدلیه مفتش لکی بتلیس
ولایتی استیناف محکمه سی جزا دائره سی رئیس رفعتلو
حسین حسن افندی به
بتلیس ولایتی استیناف محکمه سی جزا دائره سی
ریاستی طبرزون ولایتی استیناف محکمه سی جزا
دائره سی رئیس رفعتلو رشید بکه
طبرزون ولایتی استیناف محکمه سی جزا دائره سی
ریاستی یانیه ولایتی استیناف محکمه سی مدعی عمومیه سی
عزتلو احسان بکه
یانیه ولایتی استیناف محکمه سی مدعی عمومیه سی
موصل ولایتی استیناف محکمه سی مدعی عمومی سابق
سعداه افندی به
بغداد ولایتی مرکز بدایت محکمه سی حقوق
دائره سی ریاستی بیروت ولایتی مرکز بدایت محکمه
سی جزا دائره سی رئیس رفعتلو علی حیدر افندی به
بیروت ولایتی مرکز بدایت محکمه سی جزا
دائره سی ریاستی جزایر بحر سفید ولایتی مرکز
بدایت محکمه سی مدعی عمومی معاونی جمال افندی به
جزایر بحر سفید ولایتی مرکز بدایت محکمه سی
مدعی عمومی معاون لکی بتلیس ولایتی مرکز بدایت
محکمه سی مدعی عمومی معاونی حسین افندی به
بتلیس ولایتی مرکز بدایت محکمه سی مدعی
عمومی معاون لکی ارزنجان سنجانی بدایت محکمه سی
جزا دائره سی رئیس رفعتلو شوکت افندی به
ارزنجان سنجانی بدایت محکمه سی جزا دائره سی
ریاستی کنج سنجانی بدایت محکمه سی جزا دائره سی
رئیس سابق فاضل افندی به
قونیه ولایتی استیناف محکمه سی جزا دائره سی
ریاستی جزایر بحر سفید ولایتی استیناف محکمه سی
جزا دائره سی رئیس فضیلتلو شاکر افندی به
جزایر بحر سفید ولایتی استیناف محکمه سی جزا
دائره سی ریاستی حلب ولایتی استیناف محکمه سی
جزا دائره سی رئیس سابق فضیلتلو عطاءه افندی به

حلب ولایتی استیناف محکمه سی جزا دائره سی
ریاستی سوریه ولایتی استیناف محکمه سی مدعی
عمومیه سی عزتلو نظیف افندی به
سوریه ولایتی استیناف محکمه سی مدعی عمومیه سی
قونیه ولایتی مرکز بدایت محکمه سی حقوق دائره سی
رئیس عزتلو موسی کاظم افندی به
قونیه ولایتی مرکز بدایت محکمه سی حقوق
دائره سی ریاستی دیاربکر ولایتی مرکز بدایت
محکمه سی جزا دائره سی رئیس رفعتلو مسعود خاکی
افندی به
دیاربکر ولایتی مرکز بدایت محکمه سی جزا
دائره سی ریاستی اشقودره ولایتی مرکز بدایت
محکمه سی مدعی عمومی معاونی فتولو مصطفی شریف
افندی به
اشقودره ولایتی مرکز بدایت محکمه سی مدعی
عمومی معاون لکی پروزه سنجانی بدایت محکمه سی
جزا دائره سی رئیس فتولو احمد زاهد افندی به
پروزه سنجانی بدایت محکمه سی جزا دائره سی
ریاستی درامه سنجانی بدایت محکمه سی مدعی
عمومی معاونی فتولو حسین افندی به
درامه سنجانی بدایت محکمه سی مدعی عمومی
معاون لکی اسپارته سنجانی بدایت محکمه سی
مدعی عمومی معاون سابق نجیب افندی به
وان ولایتی استیناف محکمه سی جزا دائره سی ریاستی
ارضروم ولایتی استیناف محکمه سی مدعی عمومیه سی
مکرمتلو عثمان ذکی افندی به
ارضروم ولایتی استیناف محکمه سی مدعی
عمومیه سی وان ولایتی مرکز بدایت محکمه سی حقوق
دائره سی رئیس رفعتلو احمد صائب افندی به
وان ولایتی مرکز بدایت محکمه سی حقوق
دائره سی ریاستی ارضروم ولایتی مرکز بدایت
محکمه سی جزا دائره سی رئیس رفعتلو فیضاه
افندی به
ارضروم ولایتی مرکز بدایت محکمه سی جزا
دائره سی ریاستی معموره العزیز ولایتی مرکز بدایت

محکمه سی مدعی عمومی معاونی فتولو بکر صدیقی
افندی به
معموره العزیز ولایتی مرکز بدایت محکمه سی
مدعی عمومی معاون لکی قیرشهری سنجانی بدایت
محکمه سی جزا دائره سی رئیس فتولو ابراهیم هدایت
افندی به
قیرشهری سنجانی بدایت محکمه سی جزا دائره سی
ریاستی موش سنجانی بدایت محکمه سی جزا دائره سی
رئیس محمود ندیم افندی به
موش سنجانی بدایت محکمه سی جزا دائره سی
ریاستی ماردین سنجانی بدایت محکمه سی مدعی
عمومی معاونی حمادی افندی به
ماردین سنجانی بدایت محکمه سی مدعی عمومی
معاون لکی بایزید سنجانی بدایت محکمه سی مدعی
عمومی معاونی مصطفی شوقی افندی به
بایزید سنجانی بدایت محکمه سی مدعی عمومی
معاون لکی توقاد سنجانی بدایت محکمه سی مدعی عمومی
معاون سابق شوقی افندی به
کسریه قضاسی بدایت محکمه سی مدعی عمومی
معاون لکی اسکجه قضاسی بدایت محکمه سی مدعی
عمومی معاونی سالم افندی به
اسکجه قضاسی بدایت محکمه سی مدعی عمومی
معاون لکی کسریه قضاسی بدایت محکمه سی مدعی
عمومی معاونی رفیق افندی به
بلنقه قضاسی بدایت محکمه سی مدعی عمومی
معاون لکی فیلورینه قضاسی بدایت محکمه سی مدعی
عمومی معاونی اسماعیل حق افندی به
فیلورینه قضاسی بدایت محکمه سی مدعی عمومی
معاون لکی بلنقه قضاسی بدایت محکمه سی مدعی
عمومی معاونی الیاس افندی به تفویض بیورلمش
ومومی الهمدن محلف اولیان فاضل ورفیق وشریف
وزاهد وذهنی ونجیب و احمد صائب افندی لک علی الاصول
اجرای تحلیف لری ضمتنده محللرینه تبلیغات مقتضیه
ایفا قلمشدر.

تَبْلِغَات

ممالك محروسه شاهانه ده ایقای معامله
ایتمکده اولان اجنبی انونیم شرکتلریله سیفورطه
قومپایه لری حقنده قلمه الثوب موقع اجرایه
وضعی خصوصنه بالاستیذان اراده سنیه
حضرت خلافتنهای شرفصدور بیورلمش
اولان نظامنامه در :

برنجی فصل

علی العموم اجنبی انونیم شرکتلری حقنده در

برنجی ماده ممالك اجنبیه ده تشکلی ایدرک
ممالك شاهانه ده شعبه ویا اجته خانه تأسیس وکشادیه
اجرای معاملات ایدرک اولان هر نوع انونیم
شرکتی معاملاتیه بدأ اتمزدن اول تجارت نظارتنه
شرکتک عنوانی و محل تشکلی و تابعیتی و مقدار
سرمایه سنی و ممالك شاهانه ده کی معاملاتنده قوانین
عنائیه احکامنه تبعی درعهده ایتدیکتی حاوی
وبره جکی راستدخانامایله برابر اولا شرکتک مرکز
اداره سنک بولندینی مملکت قوانین مرعیه سنه موافق
اوله رق تشکلی اتمش والیوم اجرای معامله ایلکده
بولنش اولدینی متضمن منسوب اولدینی حکومتدن
اعطا اولنش برشاهانامه یی ثانیاً شرکتک استاتو
یعنی نظامنامه داخلینده کوسرتمش اولان معاملات
عقد اتمکده و معاملات واقعه دن متولد هر نوع دعاویده
شرکت نام و حسابیه اوله رق کرک مدعی ویا مدعی
علیه صفقیه کرک دیگر برصفقه درجات محاکمه حاضر
بولنیه مأذون و مرخص بر وکیلک تعیینی مبین
و منسوب اولدینی مملکت مقاولات محررلکندن
وسلطت سنیه سفارت و شهیدر خانه لرندن مصدق
برو کالتنامه یی تودیمه و مذکور مملکتده دخی عنانی
انونیم شرکتلری حقنده مقابله بالمثل قاعده سنه
توفیقاً معامله اولندینی اثباته مجبوردر .

ایکنجی ماده ممالك شاهانه ده مقدما تأسیس
ایتمش اولدقلمری شعبه ویا اجته خانه لر معرفیه
الحالیه هذ اجرای معاملات اتمکده بولنان اجنبی
انونیم شرکتلری ماده سابقه ده تعیین اولنسان
معاملات قانونیه یی اشبو نظامنامه نک مرعیت احکامی
ایچون شرفصدور بیوریه جق اراده سنیه حضرت
پادشاهی نارنجندن اعتباراً اوج آی مدت ظرفنده
ایضایه مجبوردرلر .

اوجنجی ماده تجارت نظارتی برنجی ماده ده

تعداد اولنسان اورا قک تودیمی نارنجندن اعتباراً
درسمادت ایچون بر و طشره لر ایچون ایکی ماه
ظرفنده اجنبی انونیم شرکتک اشبو نظامنامه
موجبجه ایضای لازم کلان معاملات قانونیه یی اکل
ایلدیکتی و اجرای معاملات ایدرک جکی محله توکیل
ایلدیکی ماموری واسطه سیله و شرکتک نظامنامه
داخلینسنه توفیقاً عقد معاملاتیه قانوناً مأذونیتی
مصدق بر بیاننامه وبره جکدر .

مذکور بیاننامه ده شرکتک نظامنامه داخلینسنه
توفیقاً اجرا ایدیه جک اولان معاملات ایلر شرکت
وکیلک حامل اولدینی و کالتنامه عبتاً مندرج بولنه جقدر .
مدعی صفقیه اقامه دعوی ایدن ویا خود شرکت ایشلری
ایچون مامورین محلیه یی مراجعت ایلان شرکت وکیلک
مطالی اشبو بیاننامه یی ویا مصدق صورتی ابراز
ایلمدیکجه مسموع اولیه جقدر . بیاننامه نک اعطاسی
ایچون اون بش عنانی التونی خرج استیفا اولنور .

دردنجی ماده اجنبی انونیم شرکتلری بو نظار
نامه نک برنجی ماده سنده مصرح احکامه توفیق معامله
ایلدکدن صکره اداره مرکزیه لری بولنسان ممالکده
نظامنامه داخلیلرنجه علی الاصول تصدیق اولنش بعض
تعديلات اجرا ایلدقلمری ویا خود ممالك شاهانه ده کی
وکیللری تبدیل ایلیمک ایتدیکتی تقدیرده تجارت
نظارتنه معدل نظامنامه داخلینک بر صورت مصدقه سنی
ویکسیدن تعیین ایلدقلمری وکیللرنک و کالتلری مین
و منسوب اولدقلمری مملکت مقاولات محررلکی ایلر
سلطت سنیه سفارت و شهیدر خانه لرندن مصدق بر
و کالتنامه یی تبلیغ و ارسال واولجه مأذون اولدقلمری
محللرده تعطیل معاملات ایتدیکتی ویا خود افلاسلی
وقوع اولدینی ویا موضوعلری دیکشیدیکی ویا بشقه بر
شرکتله برلشدقلمری تقدیرده دخی وقوع حالی اخبار
ایده حکلدر . نظارت ده کیفیتی غزنه لرله اعلان
ایلیه جکدر .

بشنجی ماده تجارت نظارتی شرکت نظامنامه
داخلینسنه ایدیلان تعديلاتی عنناً حاوی ویا وکیللرک
تبدیلنده بکی و کالتنامه متنی ویا شرکتک بکی موضوعی
ویا دیگر بر شرکتله اتحاد اتمش اولدینی محتوی بر
بیاننامه یی برماه ظرفنده شرکتک اعطا ایده جکدر .
وکیللر طرفندن مدعی صفقیه اقامه اولنه جق دعاوی
و یا حکومت محلیه نزدنده اجرا ایدیه جک تشبثات
مذکور بیاننامه ابراز اولنمدقجه مسموع و معتبر
اولیه جقدر . بو بیاننامه نک حین اعطاسنده خرج
اوله رق برعدد عنانی التونی اخذ واستیفا ایدیه جکدر .
التنجی ماده وکیللر نظامنامه نک دردنجی
ماده سی احکامی اجرا ایلدیکجه کندیلریله عقد

مقاوله ایدنلره ویا خود شخص ثالثره قارشى نظامنامه
داخلینک تعديلاتی احکامندن ویا ماده مذکورده
کوسرتلان دیگر تحولاندن استفاده ایدمه جکدر
واسکی وکیللر کافی السابق مرخص عد اولنه جقلمر
وبونلرک شرکت نامه عقد ایده جکلمری مقاولات
معتبر و معمول به طوتیه جقدر .

بدنجی ماده اجنبی انونیم شرکتی وکیللی
شرکتک نظامنامه داخلینک بو نظامنامه داخلینجه
بالاخره اجرا ایدیلان تعديلاتک و حامل اولدینی
و کالتنامه نک درسمادتیه تجارت نظارتی وولایات
شاهانه ده حکومت محلیه طرفندن مصدق بر رقطه
صورتی شعبه ویا اجته خانه سنده مشترک کوره .
بیله جکلمری بر محله تعلیق و غزنه لرله اعلان ایده جکدر .
سکزننجی ماده تجارت نظارتی با استدخانامه
طلب ایدنلره اشبو نظامنامه نک برنجی و دردنجی
ماده لرنده مذکور کافه اورا قک صورت مصدقلمری
وبره جکدر هر صورت مصدقه نک اعطاسنده بکرمی
غروش خرج آلنور .

طقوزنجی ماده بو نظامنامه یی توفیقاً شعبه ویا
اجته خانه تأسیس اولنسان محللر منسوب اولدقلمری
هر اجنبی انونیم شرکتی ایچون اقامتکده قانونی
اولوب شرکتله تبعه عنانیه پیتده تولد ایده جک
دعایونک مرجع رؤئی محاکم عنانیه در .

اوننجی ماده شعبه ویا اجته خانه لر اصل
شرکتک تابعیتی حائز اوله جقلمر شرکتک معاملات
تندن طولانی اقامه اولنه جق دعاورده شرکت وکیللری
ویا شعبه مدیرلرنک تابعیت شخصیه لری اصلاً نظر
اعتباره الخیه جقدر .

اون برنجی ماده برنجی و دردنجی ماده لرده
مندرج معاملات قانونیه یی ایضا اتمدکلمریه مبنی شعبه
ویا اجته خانه لری رسماً تصدیق ایدلماش اولان اجنبی
انونیم شرکتلرنک ممالك شاهانه ده کی معاملاندن
طولانی حقلمرند مدعی علیه صفقیه ترتب ایده جک
مسئولیتدن بشقه بوشرکتلر نام و حسابیه اوله رق
هر نه صفقه اولور ایسه اولسون عقد معامله ایدنلر
دخی شخصاً مسئول طوتیه جقلمر در .

اون ایکنجی ماده ممالك اجنبیه ده متشکل
انونیم شرکتلر اولا بو نظامنامه احکامنه توفیق معامله
ایلدقلمری ثانیاً مرکزلی اولان مملکتلرده موجود
دیشلری قالدینی ویا خود سرمایه لرلی استعمال حق
ضایع ایلدقلمری ثالثاً علیلرند صادر اولان هر هانکی
براعلامک احکامی سرمایه سنک فقدانندن طولانی
تنفیذ ایدیه مدیکی رایبا ممالك شاهانه ده کی معاملاته
مخصص سرمایه لری هر قتی برسیدن طولانی اولور

ایسه اولسون نصفی درجه سنه نزل ایلدیکی حالده
کندیلرینک مأذونیتی حاوی بیاننامه لرک فسخ و شعبه
واجته خانه لری وکیللری اجرای معامله دن منع
ایدیه جک و کیفیت غزنه لر ایلر اعلان قلنه جقدر .

اون اوجنجی ماده درسمادتیه تجارت نظارتی
وولایات شاهانه والیلر ماده سابقه موجبجه اجنبی
شرکتلر شعبه ویا اجته خانه لری حقنده اجرا ایدیه جک
اولان تدابیری مطبوعات محلیه واسطه سیله افراد
اهالی به اعلان ایلیه جکلمر و عذالاقضا مذکور اجته
خانه لر ویا شعبه لرک منسوب اولدقلمری شرکتک مرکز
اداره سی بولنان محله دخی اعلان کیفیت ایتدیره .
جکلمر در .

اون دردنجی ماده اجنبی انونیم شرکتلری
قوانین و نظامات دولت علیه یی تبعیه مجبوردرلر .

اون بشنجی ماده اشبو نظامنامه احکامنه
توفیق معامله ایتیلان اجنبی انونیم شرکتلرنک اون
ایکنجی ماده ده کوسرتلان معامله دن بشقه اعلاننامه
لری تعلیق ونشر ایللری ممنوعدر .

ایکنجی فصل

اجنبی سیفورطه شرکتلری حقنده در

اون التنجی ماده ممالك شاهانه ده اجرای
معامله ایدیه جک اولان اجنبی سیفورطه شرکتلری
فصل اولده محرر مواد احکامنه توفیق حرکتله
برابر مواد آتییه ده کی احکام وشرائطه ده تابع اوله
جقلمر در .

اون بدنجی ماده تجارت نظارتی شرکتلرک
معاملات عمومیه سنی تدقیق حقنی حائز اوله جق و نظارت
مشارالیهاده بوایشه باقی اوزره برسیفورطه اداره سی
بولنه جقدر شرکتلر نظارتک تدقیقاتنه مقابل هر سنه
اون عنانی التونی خرج وبره جکلمر در .

اون سکزننجی ماده سیفورطه شرکتلری
برنجی فصلده محرر اورا قدن ماعدا ترکیه و فرانسه
لسانلریله بازلش بولیسلر ایلر تضمینتی درعهده
ایده جکلمری مخاطراتک انواعی مین نظارته بردق
و بر مکله مکلفدرلر .

اون طقوزنجی ماده محاکم عنانیه طرفندن
تبعه دولت علیه حقوقک تأمیننه متدائر اوله رق
سیفورطه شرکتلری علیه صدر اوله جق اعلاماتک
انفاذاحکامی ضمنتده مذکور شرکتلر حریق و حیات
ودکر کی نوعی بشقه اولان سیفورطه معاملاندن
هر برنوع ایچون اون بشر بیک التوندن الیشربیک
التونه قدر کفالت الخیه سی تودیم ایدیه جکلمر در .
بو کفالت الخیه سنک مقداری نظارنجه تعیین ایدیلوب

معاملاتک درجه وسعت و اهمیتته کوره تربید اولنه
بیله جک و مقداری الی بیک لیرانی تجاوز اتمیه جکدر .
یکرمنجی ماده مذکور کفالت الخیه سی تقدراً
ویا خود درسمادت بر سه سنده متداول دولت علیه
اسهام و تحویلانی اوله رق باقی عنانی به تودیم و نظارنجه
تنظیم اولنه جق نمونه یی توفیقاً بر کفالتنامه اخذ
اولنه جق و تنفیذ اعلاماندن و اسهام و تحویلانی ربع
نسبتده نزل فیآئندن طولانی تأمینات الخیه سنجه
حصوله کله حک نقصان شرکت طرفندن نهایت برآی
ظرفنده اکل ایدیه جکدر شرکتک قمع حساب ایلر
ممالك شاهانه دن انشکاک حالنده بالجله تعهداتی واکا
متفرع معاملاتی تمامیه تسویه و حساباتی تصفیه
ایلدیکی تجارت و نافعه نظارتیه تحقیق ایلدکدن صکره
مذکور تأمینات الخیه سی اعاده اولنور .

یکرمی برنجی ماده شرکتلر هر سنه ممالك
شاهانه ده کی حاصلات صافیلرندن لا اقل یوزده
یکرمیسی احتیاط الخیه سی اریق اوزره تفریق
ایده جکلمر در .

یکرمی ایکنجی ماده سیفورطه شرکتلری
درسمادتیه وولایاتیه اجرا ایلدقلمری بالجله معاملاتک
یعنی یاقین و دکر قسسی ایچون سیفورطه اولنسان
مبالغ و واقع اولان خسارک و آتی سنیه دور اولنسان
سیفورطه لرک و بونلرک بریم و احتیاط الخیه لرینک
ومذک اقضاسیله خساریدیده اولیه رق ختام بولان
سیفورطه لرک مقدارلری و عمر سیفورطه سنه کلنجه
کرک حین وفانده کرک حال حیسانه ایضای لازم
کلان سیفورطه و معاشلرک و سنوی دفعه السنان
پر بملرک و بونلرک احتیاط الخیه لرینک واقع اولان
خساراتک کیتلری و هر برینک هانکی تربیدن
ایدوکی مین تجارت و نافعه نظارتندن و بریه جک
نمونه یی توفیقاً سنه ک بر قطعه خلاصه حسابیه وبره
جکلمر در .

یکرمی اوجنجی ماده شرکتلر سیفورطه
تضمیناتی ممالك شاهانه ده شعبه و اجته لرینک بولندینی
محله تأدیه به مجبوردرلر .

یکرمی دردنجی ماده شرکتلر تودیم ایلدقلمری
اسهام و تحویلانی اکرامیه لرله قاض قوپونلرینه
بالذات کندیلری نظارت ایدوب حلول ایدن قوپونلرک
بدلی آله جقلمر در و بواجرتی کندیلرینه عائد اوله جقدر .
یکرمی بشنجی ماده سیفورطه شرکتلری
دردنجی ماده موجبجه نظامات داخلیه و سائر لرنجه
واقع اوله جق تسدیلاندن دولای تجارت و نافعه
نظارتیه اعطاسیله مکلف اولدقلمری اورا ق ایلر برابر
بولیسلره و تصنیف مهالکی حاوی دفتره دائر و وقوعو
له جق تعديلاتیه د بلا تأخر بیله بره جکلمر در .

یکرمی التنجی ماده شرکتلرک ممالك شاهانه ده
تأسیس ایدیه جکلمری شعبه لره مأمور ایلیه جکلمری
وکیللردن اخنی اولانلرک افلاس و امتیق سواه استعمال
وسائر کونه محکومیت و سابقه لری اولوب اولدینی
وهویشلری منسوب اولدقلمری سفارت جانبندن
وتبعه دن بولندقلمری حالده بولیس بلدی اداره لری
طرفندن تصدیق اولنه جقدر .

یکرمی بدنجی ماده اشبو نظامنامه موجبجه
اجرای معامله به مأذون اولیان سیفورطه شرکتلرنک
نظامنامه نک تاریخ نشرندن اعتباراً اوج آی صکره
تبعه دولت علیه ایلر عقد ایدیلان معاملاندن دولانی
تبعه مرقومه علیه اقامه ایدیه جکلمری دعاوی محاکمه
مسموع اولیه جقدر اثیق مداخله ویا امضاسیله
سیفورطه ایتدیرن بر شخصی اغفال و سیفورطه
مقاوله نامه سنک عقیدیه اشتراک ایلدیکی اکلاشیلان
هر شخص علیه دن کرک حقوق عمومیه کرک شخصیه
دعواسی اقامه اولنه بیله جکدر .

یکرمی سکزننجی ماده بولیسلرک مندرجاتی
قوانین عنانییه و آداب و منافع عمومیه مغایر
اولیه جق و بوشرائطی حائز اولیلان اعلانلر نشر
وتعلیق ایتدیرلره جکدر .

یکرمی طقوزنجی ماده ممالك محروسه شاهانه ده
سیار صورتده سیفورطه معاملاتی اجراسی ضمنتده
کشت و کذار ایدیه جک اولان وکیللر علی الاصول
حامل اوله جقلمری مرور مذکره لرله برابر شرکت
نامه اجرای معامله به مأذون اولدقلمریه دائر
درسمادت ایلر شهراماتی ملحقاتی ایچون ضبطه
نظارتندن و طشره لرده حکومت محلیه نک اک بیوک
مأموری طرفندن مصدق بر ورقه مخصوصه ابراز
ایده جکلمر در . اشبو سیار مامورلر تابعیت عنانییه
حائز ولسان عنانی به آشنا اوله جقلمر در .

اوتوزنجی ماده شرکتلرک هیات و وسائط
مخصوصه ایلر اطفاسی حریق مداخله لری قطعاً
ممنوعدر .

اوتوز برنجی ماده کرک انسانی حریده کرک
بعده بولیس جانبندن علی الاصول اجرا قلنه جق
اولان تحقیقات قانونیه یی تسهیل و طلب اولنسان
ایضاحات و معلوماتی اعطایه سیفورطه اداره لری
مجبوردر .

اوتوز ایکنجی ماده املاک کی قیمت حقیقه
سندن فاحش بدل ایلر سیفورطه ایتدیکتی ویا خود
دیگر کونه حیل و دسایس اعمالیه سیفورطه دن
استفاده اتمک ارزو سنده بولندقلمری بلدی و بولیس
اداره لرلرنجه خبر النانلر حقنده اجرا قلنه جق تعقیبات

قانونيه كذا شركتلى اداره سى طرفندن تسهيل اولنه جقدر .

اوتوز اوچنچى ماده بر حريقك اطفاسى ومنع توسع وسرايى ايجون منفعت عامه مبنى حكومت محليه جانبدن اصولاً هدم اولنه جق املاك سيفورطه لى اولدينى حالده سيفورطه شركتلك برشى ديمكه حقي اوله ميه جق وبر موجب مقاوله سيفورطه بدلنى ايفا ايد جقدر .

اوتوز دردنجى ماده قونتين ناميله معروف « متوئل » يعنى معاونت متقابله شككنده تأسس ايدن سيفورطه هياتلى اصولاً انونيم شركتلى طرزنده تشكىل ايتيوب سرمايه لرى معلوم واقسيونلرى مرتب وموجود اولمدينى جهته بونلر سالف الذكر شركات تجاويه نوعندن عد اولنه ميه جقندن درجه اعتبار وحيتلىلرى وخلقجه كنديلرندن استفاده مامول اولوب اولمدينى تجارت ونافعه نظارتجه تحقيق وتدقيق اولندقدن صكره قيود وشروط لازمه درجيه ويره جك رخصتنامه اوزرينه ممالك محروسه شاهانه ده شعبه كساد ايله اجراى معامله ميه مآذون اوله بيلوب مع مافيه حكومت سنيه بوكى سيفورطه هياتلىلرنيك نظامنامه داخليلرنجه اجراى تعديلاتده مختار وهر نه وقت بر مضرت كوررايسه رخصتى فسخه وشركتى اجراى معامله دن منعه صلاحيتداردر .

اوتوز بشنچى ماده ١٣ ربيع الاول سنه ١٣٠٥ و ١٥٠٥ تشرين ثانى سنه ٣٠٣ تاريخنده نشر و اعلان اولنان اجنبى انونيم شركتلى اجنته لرى حقننده كى نظامنامه مفسوخ اولوب اشبو نظامنامه مرعيت احكامنه اراده سنيه حضرت پادشاهى شرفصودر بيورلدينى تاريخندن اعتباراً اوتوز كون صكره موقع اجرايه وضع اولنه جقدر .

اوتوز التنجى ماده تجارت ونافعه وعدليه وداخليه نظارتلى اشبو نظامنامه نك اجراى احكامنه مأموردر .

فى ٢٩ محرم سنه ١٣٢٤
وفى ١٢ مارت سنه ١٣٢٢

اعلانبات

مرسين تجارت محكمه سنده :

مرسينده مقیم تحفجى افغان عبد السلامك مرسين تجارت محكمه سندن موقه اعلان افلاسنه ومصالح افلاسيه نك رؤيت وتسويه سيچون محكمه نك دائمى اعضاسندن جبرائيل نجارا فندينك روز قوميسر ودعوى وكيللرندن ديموستن كشير اوغلى واصحاب

مطلوبدن محمد صالح افنديلرك موقت سنديك تعيينلرينه ومغازه سيله اشباى زائده بيتيه سنك تمهيرينه واوراق ودفاترينك جلبنه ومفلس مرقومك موقه توقيفنه قرار ويرلمش اولديغندن قانوننامه تجارتك ١٧٠ نجى ماده سنه توقفاً دائمى سنديكلكر انتخاب اولنق اوزره ٣٢٢ سنه سى شهر نيسانك يكرمى ايكنجى جمعه ايرتسى كوني ساعت يدى راده لرنده اصحاب مطلوبك محكمه مذ كوره نك مصالح افلاسيه رؤيتنه مخصوص اوطه سنه كملرى اعلان اولنور .

كوريجم سنجاغى بدایت محكمه سى حقوق داره سنده :
ملچان دركاهى پوست نشينى حسين بابانك باجحت شرعيه وكيل عموميسى نجيب افندينك كوريجملى راي وانكل وخانجى نيقوله قسطنطين ذمتلرند يكدىكرلى كفالتيله باسند غير از مأخوذ اون طقوز عدد ليراي عثمانى ايله يكرمى يدى بيق غروش الاجق ماده سندن دولاي مرقومان راي ونيقوله عليهنده كوريجم سنجاغى بدایت محكمه سى حقوق داره سنده اقامه ايلديكى دعوى اوزرينه رايينك وجاهنده ونيقوله نك غيابنده اوله رق جريان ايدن محاكمه لرند مبلغ مدعا نك مع گذشته ومصارف محاكمه بالغ اولدينى يكرمى ايكي عدد ليراي عثمانى ايله درتيوز اوتوز بر بيق غروشك مدعى عليهما مرقومان راي ونيقوله دن بالتحصيل موكل مومى اليه اعطاسنه وحين استيفاسنه دكين فائض نظامى يوريدلمسنة رايينك حقنده قابل تميز ونيقوله نك حقنده قابل اعتراض اوله رق ٩ اغستوس سنه ٣٢١ تاريخنده متفقاً حكم وقرار ويرلمش وبوكره مدعى وكيلنك مراجعتى اوزرينه مزبور نيقوله تحرى ايتديرلمش ايسه ده اقامتكاهى معلوم اولماسنه بناءً وكيل مومى اليه طليله اصول محاكمه حقوقه قانوننك يكرمى التنجى ويوز اوتوز ايكنجى ماده لرى موجبجه اشبو اعلاننامه نك اصلى محكمه ديوانخانه سنه تعليق وبر صورتى دخى غزته ايله اعلان ايدلك صورتيله معامله تبليغيه ايفا اولنور .

اعلومات شرعيه اجرا داره سنده :

متوفى محمد غورى افندى ورثه سنك متوفى مصطفى افندى ذمتنده با اعلام شرعى الاجننى اولان مبالغ معلومه نك تأمين استيفاسى ضمنتده مديون متوفانك عهده سنده اولوب اشبو دينى مقابلنده مرهون وفروختى محكوم بولنان چارشوى كيرده قاليبجلىر باشى جاده سنده واقع اللى يدى نومرو ايله مرقم رباب تحفجى دكانى دروننده موجود بين الاصناف تحفجى كدىك تعبير اولنور وقف آلات لازمه معلومه نك

نصف حصه شايه سى بوندن اول لى المزايدة ليراي عثمانى يوز غروش حسابيله التى بيك بشيوز غروش بدل ايله طالبي اوزرنده تقرر ايتمش اولديغندن يوزده بش ضميله بوندن زياده يه طالب اولنلرك واطرافليجه معلومات المتق استيانلرك اشبو تاريخ اعلاندن اعتباراً اوتوز ركون ظرفنده درسعات اعلامات شرعيه اجرا داره سنه مراجعت ايللرى صوك دفعه اوله رق اعلان اولنور .

حسيه خانمك اشجى احمد افندى ايله زوجة سى فاطمه خانم ذمتلرند با اعلام شرعى الهجننى اولان مبالغ معلومه نك تأمين استيفاسى ضمنتده زوجان مزبورانك مناصفة عهده لرند اولوب دينلرى مقابلنده مرهون وفروختى محكوم بولنان لنغه كير قربنده مسيح پاشا محله سنده لنغه جاده سنده واقع مكرر اوچ نومرو ايله مرقم ملك رباب دكانك اشبو تاريخ اعلاندن اعتباراً اون بش كون صكره بالمزايدة فروخته تشبث اولنه جقندن طالب اولوب پى سورمك بوندن زياده معلومات المتق استيانلرك مدت مذ كوره ختامندن صكره درسعات اعلامات شرعيه اجرا داره سنه مراجعت ايللرى اعلان اولنور .

سلورى بدایت محكمه سى اجرا داره سنده :

سلورى قضا سنك اوچيوز يكرمى برسنة سى سلمخانه رسومى ملزى يانيله فرونجى طناس لوسيا دينك تقاسيط بدلندن سلورى بلديه صندوقنه ديون معلومه سنك تأمين استيفا ضمنتده مديون مرقومك سلورى قصبه سى چارشو دروننده ادرنه جاده سنده واقع جانب يمينى شكرجى ميخالاكى دكانى ويسارى قره برون ديمتراكى دكانى وارقه سى جمال افندى باغچه سى وجهه سى طريق نام ايله محدود رباب فرونك نصف حصه سى دايى بلديه رياستى جانبدن حجز آلتنه ديريله رق فروختى قرار كير اولديغندن مذ كور حصه نك تاريخ اعلاندن اعتباراً اون بش كون صكره بالمزايدة صائيله جنى اعلان اولنور .

بولهنت ناميه سى بدایت محكمه سى اجرا داره سنده :

ويريشه لى اطناش قوليتينك متوفى استراتى وانكليتونك اوالنه مضافاً زوجة سى متاقسوطى ذمتنده با اعلام محكوم به مطلوبك تأمين استيفاسى چون دايينك طليله حجاز ايدلان (لاقو) موقنده (٢٥) (قولوقسى) موقنده كانن (٥٠) نومرولو ايكي قطعه زيتونلك تاريخندن اون بش كون صكره مزايده يه چيقاربيله جنى پولهننت ناحيه سى بدایت محكمه سى اجرا داره سندن اعلان اولنور .